

ЎЗБЕКИСТОН RESPUBLIKASI
VAZIRLAR MAHKAMASINING
QARORI



ПОСТАНОВЛЕНИЕ
КАБИНЕТА МИНИСТРОВ
РЕСПУБЛИКИ УЗБЕКИСТАН

13 сентябрь 2018 й.г. № 731

Toshkent sh.

**Мамлакатимиз аҳолисини ва иқтисодиёт тармоқларини
рақобат ва бозор механизмларини жорий этиш асосида дон,
ун ва нон билан ишончли таъминлаш чора-тадбирлари тўғрисида**

Дон, ун ва нонни сотишга, шунингдек, мамлакатнинг донни қайта ишлаш тармоғига бозор механизмларини жорий қилиш, ун ва қолипчи нон харид қилиш бўйича аҳолининг ижтимоий ҳимояга муҳтож қатламларига қўшимча харажатларни қоплаш учун компенсациялар тўлашнинг самарали механизмларини яратиш мақсадида Вазирлар Маҳкамаси қарор қилади:

1. Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари, Ўзбекистон Республикаси Иқтисодиёт вазирлиги ва Молия вазирлигининг 2018 йил 15 сентябрдан бошлаб:

бир килограмм 1-нав бугдой унини улгуржи сотиш нархини 1 400 сўм миқдорида белгилаш;

қолипчи нонни талаб ва таклиф асосида шакллантириладиган эркин бозор нархи бўйича сотиш тартиби;

“Ўздонмахсулот” АК корхоналари томонидан спирт ишлаб чиқарувчилар ва чорвачилик (паррандачилик, балиқчилик) корхоналарига дон, шунингдек, олий навли бугдой унини биржа савдолари орқали чекловларсиз сотиш тўғрисидаги таклифларига розилик берилсин.

Ўзбекистон Республикаси Хусусийлаштирилган корхоналарга кўмаклашиш ва рақобатни ривожлантириш давлат қўмитаси Ўзбекистон Республикаси Молия вазирлиги билан биргаликда ун нархи шаклланиши юзасидан амалий мониторинг ўрнатсин, 2018 йил 1 ноябргача 1-нав бугдой уни учун улгуржи сотиш нархини белгилаш тартибини бекор қилиш тўғрисида таклифлар киритсин.

2. 2018 йил 1 октябрдан бошлаб:

ёшга доир, ногиронлик бўйича нафақа, боқувчисини йўқотганлик пенсияси ва нафақаси (ҳар бир боқимандага), болалигидан ногирон бўлган 16 ёшдан катта шахсларга нафақа, ногирон бўлган 16 ёшгача болаларга нафақа, шунингдек, ёшга доир пенсиянинг белгиланган миқдоридан кам пенсия ва нафақа бўйича ҳар бир нафақа олувчига;

бола икки ёшга тўлгунга қадар уни парвариш қилиш бўйича нафақа олувчи ҳар бир оила, ўзини ўзи бошқариш органлари орқали моддий ёрдам олувчи кам таъминланган оилага ун ва қолипчи нон харид қилиш бўйича қўшимча харажатларни қоплаш учун энг кам ойлик иш ҳақининг 10 фоизи миқдорида ҳар ойлик пул компенсацияси (кейинги ўринларда пул компенсацияси деб аталади) тўланиши жорий этилсин.

3. Белгилансинки:

а) 2018 йил 1 октябрдан бошлаб 14 ёшгача фарзандлари бўлган оилаларга болалар сонидан келиб чиққан ҳолда фуқароларнинг ўзини ўзи бошқариш органлари томонидан белгиланадиган нафақа энг кам ойлик иш ҳақиға нисбатан қўйдаги миқдорларда тўланади:

бир нафар фарзанди бўлган оилага – 60 фоиз;

икки нафар фарзанди бўлган оилага – 100 фоиз;

уч нафар ва ундан кўп фарзанди бўлган оилага – 140 фоиз;

б) пул компенсацияси ушбу қарорнинг 2-бандида назарда тутилган пенсия ва нафақалар тўланиши учун масъул бўлган органлар томонидан ҳисобланади ва қайд этилган пенсия ҳамда нафақалар билан бир вақтда Ўзбекистон Республикаси Давлат бюджети маблағлари ҳисобидан тўланади;

в) заруратга кўра, бозорда дон ва ун нархлари кескин ўзгаришининг олдини олиш мақсадида истеъмолчиларга сотиш учун давлат захирасидан дон чиқариш таъминланади.

4. Туманлар (шаҳарлар) ҳокимларига кам таъминланган оилаларга моддий ёрдам тайинлаш шартларига мувофиқ 2019 йил 1 январгача ҳокимликларнинг захира жамғармалари, шунингдек, туманлар (шаҳарлар) бюджетлари даромадлари прогноз параметрларининг ошириб бажарилишидан тушган маблағлар ҳисобига оиланинг ҳар бир аъзоси ҳисобга олинган ҳолда энг кам ойлик иш ҳақининг 10 фоизи миқдорида пул компенсацияси ажратиш ҳуқуқи берилсин.

Ушбу тоифадаги оилаларга (шахсларга) пул компенсацияси тегишли ўзини ўзи бошқариш органлари томонидан ҳисобланади.

Бунда қўшимча пул компенсацияси оладиган оилалар (шахслар) сони ушбу қарор 2-бандининг учинчи хатбошида ва 3-бандининг «а» кичик бандида назарда тутилган компенсация олувчилар умумий сонининг 30 фоизидан ошмаслиги керак.

5. Қорақалпоғистон Республикаси Вазирлар Кенгаши Раиси, вилоятлар ва Тошкент шаҳар, туманлар ва шаҳарлар ҳокимлари:

аҳолининг эҳтиёжманд қатламларини ижтимоий қўллаб-қувватлаш бўйича самарали ва манзилли чора-тадбирлар кўрилиши;

республиканинг барча аҳоли пунктларида барча тоифалардаги истеъмолчиларга ун ва нон узлуксиз сотилиши учун шахсан масъул эканлиги белгилаб кўйилсин.

7. Ўзбекистон Республикаси Молия вазирлиги “Ўздонмаҳсулот” АК билан биргаликда ун ва донни сотишдан тушадиган маблағларни тақсимлаш тартибини қайта кўриб чиқсин.

“Ўздонмаҳсулот” АК 2018 йил 15 сентябрдан бошлаб жорий этиладиган нархларни ҳисобга олган ҳолда қолган унни қайта баҳоласин.

8. Ўзбекистон Республикаси Молия вазирлиги:

2018 йилда бюджетдан маблағ олувчиларга дон, ун ва қолипчи нон хариди бўйича қўшимча харажатларни қоплаш, шунингдек, аҳолининг ижтимоий ҳимояга муҳтож қатламларини қўллаб-қувватлаш бўйича қўшимча чора-тадбирларни молиялаштириш учун бюджетдан маблағ ажратсин;

Ўзбекистон Республикасининг 2019 йил учун давлат бюджети параметрларини тайёрлашда мазкур қарорнинг амалга оширилиши билан боғлиқ харажатларни назарда тутсин.

9. Ўзбекистон Республикаси Иқтисодиёт вазирлиги икки ой муддатда Молия вазирлиги, “Ўздонмаҳсулот” АК ва бошқа манфаатдор вазирликлар ва идоралар билан биргаликда амалдаги қонун ҳужжатларига ушбу қарордан келиб чиқадиган ўзгартириш ва қўшимчалар тўғрисида таклифлар киритсин.

10. Ўзбекистон Республикаси Вазирлар Маҳкамасининг иловага мувофиқ айрим қарорлари ўз кучини йўқотган деб ҳисоблансин.

11. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари З.Т. Мирзаев ва Бош вазирнинг ўринбосари – молия вазири Ж.А. Қўчқоров зиммасига юклансин.

Ўзбекистон Республикасининг
Бош вазири



А. Арипов

Вазирлар Маҳкамасининг
2018 йил 13 сентябрдаги
731-сон қарорига
илова

**Ўзбекистон Республикаси Ҳукуматининг ўз кучини
йўқотган деб эътироф этилаётган баъзи қарорлари
рўйхати**

1. Вазирлар Маҳкамасининг “Ижтимоий нафақаларни тайинлаш ва тўлаш тартибини янада такомиллаштириш чора-тадбирлари тўғрисида” 2012 йил 12 декабрдаги 350-сон қарорининг 2-банди (Ўзбекистон Республикаси ҚТ, 2012 й., 12-сон, 84-модда).

2. Вазирлар Маҳкамасининг 2013 йил 15 февралдаги 44-сон қарори (Ўзбекистон Республикаси ҚТ, 2013 й., 2-сон, 10-модда) билан тасдиқланган Кам таъминланган оилаларга ижтимоий нафақалар ва моддий ёрдам тайинлаш ва тўлаш тартиби тўғрисидаги низом 3-бандининг иккинчи хатбоши.

